

Athör ë rou cï Paulo gät kəc gen Korinth Wët nhom

Athör ë rou tənë kəc cï gam gen Korinth, ee gët Paulo wäär cï wël wääc kam akut kəc cï gam kek ye. Kəc kək kam akut kəc cï gam yic aake ye Paulo lək guöp wël rəc apei. Ku aci Paulo nyuöth ke lön wïc yen ye bï bən döör ke ke, ku aci puöu miət apei wën cï yen rot looi.

Aban tuenj athöör yic, Paulo ë jam ciεεnde kek akut kəc cï gam gen Korinth. Ku tët ke kën gët yen athöör wäär ke tuc puöu apei. Ku lək ke miət ë piände rin pël ë wët piny, ku döör kamken cï wël cï lək ke athör kënë yic cəl aloi rot. Ku jəl lək akut kəc cï gam bïk kəc ηəη cï gam pan Judia aa kony ë puöu ebën. Ku wën jəl wël wïcke bï ke lueel thök, Paulo aci rot bən kony tənë kəc kək Korinth ye lueel lön kek atuuc ayic, ku lön cïi Paulo ye atuny la cök.

Käk tö thïn

Wët Nhom 1:1-11

Paulo ku akuut kəc cï gam gen Korinth 1:12–7:16

Kuəony rin kəc cï gam Judia 8:1–9:15

Paulo ë rot kony lön ë yen atuuc ayic 10:1–13:10

Thök ë wël 13:11-13

¹ Athör kënë abö tənë Paulo, atuny Jethu Kritho ë wët wïc Nhialic, ku wämääthda Timothï ku tənë akut kəc cï gam gen Korinth, ku tənë kəc kək ë Nhialic ebën rëer pan Akaya.

² Bī Nhialic Wāda ku Bēny Jethu Krītho we yiēk dhēēj ku dōr.

Paulo ee Nhialic leec

³ Lecku Nhialic Wun Bānyda Jethu Krītho. Yen ē Wādan līr puōu tēnē ɣo ku yen ē ɣo dēet puōth kāreɕ yiic akōlakōl. ⁴ Ee ɣo dēet puōth kāreɕ ɣo yōk yiic, rin buk lēu aya buk kɔc kōk aa dēet puōth kāracken yiic. Aayeku ke dēet puōth cīt tē ye Nhialic ɣo dēet puōth thīn. ⁵ Ku cīt lɔn ye ɣok gum aya rin wēt Raan cī lɔc ku dɔc, yen ē tēde aya, Nhialic ē ɣo dēet puōth kājuēc ril yiic apei akōlakōl. ⁶ Na guumku, ke rin bī we dēet puōth ku luāk we, na deet ɣopuōth ke rin bī we dēet puōth, ku gēm we riel ye wek gum cīmēn tē ye ɣok kāŋ guōm thīn aya. ⁷ Wek aa ŋōthku apei, rin aŋicku lɔn guum wek cīmēnda, kēya ɣok aabī deet puōu rɔm ɣodhie.

⁸ Miēthakāi, awīcku bāk kāreɕ cī ɣo yōk wāār rēer ɣok pan Athia ŋic. Kāreɕ ke cuk yōk aake dīt apei ciēt ke cuk bī lēu buk ke guum, ɣok aa ɣo cī ɣonhūim ŋic wei ē piērda. ⁹ Acuk yōk lɔn cīt ɣok kɔc cī tēm thou. Ku kēnē acī rot looi bī nyuōth ɣo lɔn acie riēlda yen ŋōthku, ee riel Nhialic raan kɔc cī thou ɣot. ¹⁰ Acī ɣo puōt bei kāk ke duēr ɣo nōk yiic, ku abī ɣo kony. Ku aŋōthku lɔn bī yen ɣo bēn kuōny bei, ¹¹ cīmēn cī wek ɣo kony ē rōōkkun. Kēya, rōōk juēc bī looi ē riēnkua aabī Nhialic dhuk nhūim ku dɔc ɣo, ku kɔc juēc aabī Nhialic leec rin kēpuōth cī looi tēnē ɣo.

Paulo acī kēnyde waar yic

¹² Aŋicku ɣopuōth kuat kāk yeku ke looi pinynhom ē tēn aa yeku ke looi puōn ɣer cī Nhialic gām

yo. Ku ë yen kënë yo cəl anjic rëer kek we. Ku yen aloiku dhëëŋ ë Nhialic, acie njiëc kaŋ tō ke raan. ¹³⁻¹⁴Wek aa ya gät kāk lëukë bāk ke kueen ku dətke keyiic. Ku na cək amën cii wek wëlkä ye deet ëbën, ka ya n̄öth lən ɲot bi wek ke deet yiic ëbën, rin na ye aköl le Bányda Jethu dhuk ke wek aabi nhiam rienkua cimen bi yok nhiam ë we.

¹⁵Rin njic yen ye lən bi wek wëlkië deet, aca guiir tuen ba la tënë we bāk dët ben yok. ¹⁶Rin ë ca guiir ba tēk tënë we tē le yen Mathedonia, ku tē le yen dhuk aya, ku bāk ya cəl ala Judia. ¹⁷Wäär guiir yen kenydië këya, ye nyooth lən cii yen ye wic ba dhiel looi? Tē guiir yen kë wiëc ba looi cä ye yiëk yanhom? Tédë ya ke guiir cimen kəc pinynhom ë tēn, kəc ye lueel, “Yëë,” Ku gokë lueel, “Yei, yei,” Nyin yic kedhie? ¹⁸Cimen njic yok ye alanden lən Nhialic ë wëtde tiëŋ nom, kë ca thən we ëcie “Yëë,” tédë ke ye “Yei.” ¹⁹Rin Wën Nhialic Jethu Kritho ye yok wëtde lək we yok Thilath ku Timothï, ë këc bën ke ye pušu rou, ëci bën ke ye pušu tök. ²⁰Na cək la kajuëc ci Nhialic thən ka tök rin Raan ci ləc ku dəc, rin yen ë kāk ci Nhialic ke thən tiëŋ nhim. Ku ayeku lueel ë rienke, “Yenakan,” tē leec yok Nhialic. ²¹Ee Nhialic yen ë yo looi yodhie buk aa tök kek Raan ci ləc ku dəc. Acı yo dəc, ²²ku yik yo kinden ye yok kacke, ku tēü Wëike yopuöth bi nyooth lən ye yok kacken bi kāk ci tōü yok.

²³Na ye lueth yen luëel, ke Nhialic abä tēm awuöc. Wët këc yen ben la Korinth ë rin cii yen ye wic ba we cəl aben gum. ²⁴Acuk wic buk we mäc

kë bäk gam. Anıcku lön wek aa ril ë gamdun yic. Wek aa konyku ke rin miët ë piändun.

2

¹ Këya, aca bën tak ba cii bö tēnē we rin bi ciēn kērεεc dēt ben rot looi. ² Rin na cal we aa riääk puöth, ka cīn raan dēt cī döŋ bi ŷen cöl amit puöu, rin aa wek aca rac puöth. ³ Ku cīt lön yen tēnē cī ŷen we gät athöör thīn, ŷen acii bi bēn, rin aya yök ke ŷa bi riääk ë puöu yök, tē ya tak ke ŷa bi kë cöl ŷa amit puöu yök thīn. Ee ηיע alanden, kë bä cöl amit puöu abi we cöl amit puöth aya. ⁴ Wäär gēt ŷen we athöör, ŷen a ŷa rem puöu apeı aba ya dhiau, ku kēn luöı acie lön bi ŷen we rac puöth, ee rin bäk tē nhiεεr ŷen we thīn apeı ηic.

Pël wēt piny tēnē raan cä awuöc looi

⁵ Na cī raan awuöc looi tēnē raan dēt, ka këc looi tēnē ŷen ë rot, ee tēnē we rin acīt kë cī looi tēnē we cök cii ye we ebēn. (Aluεel këlä rin acä wic ba jam ë wēt kēnē yic apeı.) ⁶ Ee tēde yen tē cī kıc juēc kamkun raan kēnē wēēt thīn. ⁷ Ęmēn këya, wek aa dhil wēt päl piny tēnē ye ku dεεtkē puöu rin bi puöu cii pək wei bi jäl ë gam yic. ⁸ Këya, wek aa yöök bäk cöl anıic lön nhiεεr wek ye. ⁹ Wek aaca gät athör kēnē rin ë wiēc ba ηic lön ye wek wëlkiēn ca lək we gam ebēn. ¹⁰ Na le raan töŋ pël wek wēt piny tēnē ye, ke ŷen apël wēt piny tēnē ye aya, tē le yen awuöc cī looi dhiel päl piny tēnē ye ayic. Aya looi ë riεnkun ke Raan cī lıc ku dıc daai kë tō ŷapuöu. ¹¹ ŷen ë kēnē looi rin bi Bēny jakrεc riεl cii yök bi luoida rac, rin tēden yen luui thīn anıicku apeı.

Diεεr ë Paulo gen Troath

¹² Wäär ɣëet ɣen gen Troath ba Wët Puo̯th Yam ë Raan cï lɔc ku dɔc bën lëk kɔc, ke ɣök lɔn cï Bëny Jethu dhël ë luai ɳaany thok. ¹³ Ku ɣen ë ɣa cï diær apɛi rin këc ɣen wämääth Tito ɣök. Guo kɔc tɔöŋ ku bar Mathedonia.

Riel ye ɣök tənë Raan cï lɔc ku dɔc

¹⁴ Lecku Nhialic! Ee ɣook wat nhïim akölaköl buk tiam rin Raan cï lɔc ku dɔc. Nhialic ë ɣo luai bi ɳiëc rin Raan cï lɔc ku dɔc piny thöŋ yic ëbën cïmën miök ɳir apɛi. ¹⁵ Rin ɣok aa cït adöŋ ɳir mit ye Raan cï lɔc ku dɔc gäm Nhialic, adöŋ ɳir ë thiëi piny kam kɔc luëk Nhialic, ku kɔc mär. ¹⁶ Tënë kɔc kök ë ɳuac ræc ë thou bëi, ku tënë kɔc kök ë ɳuac mit ë ɳir bëi. Yen ɳa lëk ye bi këne looi? ¹⁷ ɣok aacii cït kɔc juëc kök wët ë Nhialic looi bi kek aa la lim. ɣok aa wët ë yic lueel ë Nhialic nhom, rin ɣok aa kɔc Raan cï lɔc ku dɔc, ku ë Nhialic yen acï ɣo tooc.

3

Kɔc lui ë Döör Yam

¹ Yakë tak lɔn ɣok aa ben röt lëk we? Acie tède. Kɔc kök athör lööm tənë we bi kek röt la nyuöth kɔc kök, ku kɔc kök aa athör bëi tənë kɔc kök bi kek röt bën nyuöth we. Ku ɣok acie wïc athör cït kakkä. ² Aa wek athördan yeku muk, cï göt ɣopuöth bi raan ëbën ɳic ku kuen. ³ Wek aa cït athör bö tənë Raan cï lɔc ku dɔc. Akëc Raan cï lɔc ku dɔc göt galam, acï göt Wëi ë Nhialic ɳir. Akëc göt aleel pat yiic köth, acï göt ɣopuöth.

⁴ Alëuku buk kakkä lueel ke ɣo ɳic Raan cï lɔc ku dɔc ë Nhialic nhom. ⁵ Acä lëu ba lueel lɔn ɣok aa la

rielda ë röt ye Ʒok Nhialic luööi. Riel ye Ʒok ye luööi ayeku yök tənë ye. ⁶ Yen acī Ʒo yiëk riel ye Ʒok kəc lui rin döör ë yam kek ye, döör ë Wëi cīi cīt lōŋ cī gət. Lōŋ cī gət ee thou bëëi tənë kəc, ku Wëi ë pīr bëëi.

⁷ Lōŋ ëcī gət aleel pat yiic kōth, ku diik Nhialic ëcī rot nyuəəth wäär gəm ye. Na cək a wäär cī ruel Nhialic yen cī Mothith paat piny bën jāl amäāth, ke ŋot ril apēi bī kəc Itharel cīi lëu bik Mothith döt. Këya, na ye lōŋ thou bëëi, tənë kəc yen luui kəc yen bën kek diikdīt cīt kënë, ⁸ ke diik luwi Wëi cīi bī dīt apēi! ⁹ Na ye lōŋ döör thëer kəc cəl atēm awuöc la diik, ke ye diikdīt yīndë bī lōŋ döör yam kəc cəl aala cök tənë Nhialic bëëi! ¹⁰ Ee yic, lōŋ döör thëer acīn këpuəəth bī ye thööŋ kek lōŋ döör yam. ¹¹ Na ye lōŋ döör thëer cī guə bën liu la diik, ke ye diikdīt yīndë bī döör yam cīi bī kaŋ liu bëëi!

¹² Ʒok aa cie riöc tē jīem Ʒok rin le Ʒok ŋəth lōŋ döör yam la diikdīt akölriëc ëbën ¹³ Ʒok aacīi cīt Mothith wäär yenyin kum bī kəc Itharel diik Nhialic cīi ŋic tē jīël yen thīn amäāth. ¹⁴ Keek aake cī muör puəəth. Agut cīt ëmën kën ke cəl aacīi kəŋ ŋic aŋoot tē kueen kek athör lōŋ thëer, kën ke muör puəəth aŋot tō thīn. Ku aye nyaai tē mēt raan rot Raan cī ləc ku dəc. ¹⁵ Agut cīt ëmën gət Ʒen athör, tē kueen kek lōŋ Mothith, kën ke muör puəəth bik kəŋ cīi ŋic aŋoot thīn. ¹⁶ Ku kënë aye nyaai tē mēt raan rot Bëny. ¹⁷ Ku Bëny ye lueel ë wëlkä yiic ë Wëi. Ku tē rëer Wëi Bëny thīn, lääu nhom ë tō thīn. ¹⁸ Diik Nhialic ayeku nyuəəth rin cīn yen kën Ʒo muör puəəth. Ku Wëi Bëny ë Ʒo looi ëbën buk ciët ye, ku diëckde ë rot juak, kënë ë luwi Wëi ë Bëny.

4

Riel Nhialic gupkuan cīt tōny cī cuëec tiap

¹ Këya, yok aacie dhör ë luoi kënë rin ë Nhialic yen agëm ye yo ë lier piände. ² Yok aaci kuc buk kāk ye moony ku kāk kəc rac gup cī ye lueel. Ee yic yen ayeku lueel kəc nhïim. Ku yen aye kek ye ñic kepuöth ëbën, yeku kəc yïndë ë Nhialic nhom. ³ Na cī kəc kək Wët Puöth Yam yeku lək kəc ye deet yic, ka kəc cī puöth määär kek aacie ye ye deet yic. ⁴ Jəñrac mac kəc piny kënë ya aköl aci kəc kəc gam muör puöth, ku bïk ruel ë bën tənë Wët Puöth Yam cī ye tïñ, wët yam diik Raan cī ləc ku dəc yen cīt Nhialic guöp. ⁵ Yok aacī kəc ye lək rin bī yok röt luëel, yok aa kəc lək rin Jethu Kritho ke ye Bëny. Ku yok ke yo ye aloony tənë we rin Jethu. ⁶ Nhialic yen luel ye athör thëer yic ëlä, “Cəl ruel aruel muööth yic.” Yen ë Nhialic tōöñ cəl ruel ñiëc kañ aruel yopuöth bī yo nyuöth diik Nhialic ë ruel Raan cī ləc ku dəc nyin.

⁷ Ku yok kəc la këpuöth dïit kënë, yok aa cīt tōöny cī cuëec ë tiap. Ku ë rot looi këya bī nyuöth lən riöldit apëi ë bën tənë Nhialic, acie yo. ⁸ Yok aa kāk jör yo yök ku aacie yo ye rac. Na cakku kë loiku kuc, ke yok aacie dhör. ⁹ Yok aaye cəl agum, ku yok aa kəc Nhialic päl wei. Yok aaci nök buk la nañ piiny, ku yok aa kəc thou. ¹⁰ Kuat tē yeku tēek ëbën yok aa ciët kəc bī nök cïmën Jethu. Këya alëu kəc kək bïk pïr Jethu tïñ yögup. ¹¹ Rin yok kəc pïr, yok aa rëer akölaköl yo cīt kəc bī thou rin Jethu, rin bī piërde tïñ guöpdan bī thou yic. ¹² Këya, yok thou rin bī wek pïr.

¹³ Acī gōt athōr th_εer wēl Nhialic yic ēlä, “Ÿ_εn ē jam rin cī Ÿ_εn gam.” Ku rin le Ÿok gam tōŋ thōŋ, Ÿok aa jam aya rin cī Ÿok gam. ¹⁴ Rin aŋicku Nhialic yen jōt Bēny Jethu bī bēn pīr, abī Ÿo jōt kek Jethu aya, ku ny_εei Ÿo ku we bī Ÿo Ÿāth tē rēer yen thīn. ¹⁵ Kēnē aloi rot ēbēn ē rienkun. Aloi rot rin bī dhēēŋ ē Nhialic Ÿet tēnē kōc juēc, rin bī kōc juēc_kā piath ē Nhialic ŋic, ku bīk aa leec ku dorkē.

Pīr rin ē gam

¹⁶ Ku rin ē wēt kēnē Ÿok aacie puōth ē bath cōk alōn thōōk riēlda amāāth-amāāth, ke piāthkua aa ber piny akōlakōl. ¹⁷ Aterthii yeku ke yōk ēmēn, aa guir Ÿook rin pīr akōlriēc bī aterthii kuankā looi bīk cīi ye kāŋ acīn. ¹⁸ Rin Ÿok aacie Ÿopuōth ē tāāu kāk ye tīŋ yiic, Ÿok aa Ÿopuōth tāāu kāk cīi ke ye tīŋ yiic. Rin kāk ye tīŋ aa guō jāl, ku kāk cīi ke ye tīŋ aa rēer thīn ath_εer.

5

¹ Rin aŋicku lōn guāpkua pinynhom ē tēn aa cīt duēl ye Ÿok rēer thīn kaam koor. Ku na la duēl kēnē riāāk ke Nhialic abī Ÿo yiēk Ÿōt tēden rēer yen thīn, Ÿōn kēc raan looi yecin. Ÿōn ē looi Nhialic nhom guōp, cīi bī kaŋ riāāk. ² Cīt ēmēn rēer Ÿok Ÿo dhiau, ayeku wīc lōn bī Nhialic Ÿo gām gupkuan yam bō nhial. ³ Ku rin cīi Ÿok bī ŋōŋ ē guōp, Ÿok aabī gām guōp yam. ⁴ Gupkuan rēer ke Ÿo pinynhom aacīi bī rēer thīn ath_εer. Ÿok aa dhiau rin kājuēc buk guum. Ku acie lōn wīc Ÿok ye buk thou ayic, kē wīcku ē lōn bī Nhialic Ÿo waar bī Ÿo gām guōp ē yam bī pīr akōlriēc ēbēn. Kēya, Ÿok aa wīc gupkuan

pinynhom bī ke waar guöp bī rēer thīn athεεr. ⁵ Ee Nħialic yen acī Ʒo guīr rin awēr kēnē. Ku gēm Ʒo Wēike buk ħic lōn bī yen ye looi.

⁶ Kēya, Ʒok aa rēer Ʒo deet Ʒopuōth akōlakōl. Ku aħicku tē rēer Ʒok ē guōpdan kēnē yic ē pinynhom tēn, Ʒok aa rēer ke Ʒo mec kek tēn bī Ʒok rēer thīn kek Bēny. ⁷ Ʒok aa pīr ē gam, acie kē yeku tīŋ. ⁸ Ʒok aa rēer Ʒo deet Ʒopuōth ku guirku rōt apei buk guōpdan pinynhom puōl rin bī Ʒok la tē rēer Bēny thīn. ⁹ Adħilku looi buk Bēny cōl amit puōu piērda yic pinynhom ē tēn, ku pīrdan akōldā aya. ¹⁰ Rin Ʒok aabī dħiel kōōc Raan cī lōc ku dōc nħom akōl ē luk, bī ħek atēm awuōc, tēdē ke dōc rin kākken cī looi wāar pīr yen pinynhom.

Nħialic ē kōc cōl amāāth kek ye rin Jethu

¹¹ Cīt lōn ħic Ʒok ye apei yen tē dħil Ʒok riōōc thīn ē Bēny, yen aye Ʒok kōc kōk lēk bīk kepuōth wēl Bēny. Bēny aħic Ʒo apei, ku aya ħōōth lōn piāthkun yiic wek aa ħic Ʒo aya. ¹² Acie lōn wīc Ʒok ye buk rōt bēn lēk we, wek aa wīcku buk we nyuōth kē bī wek aa nħiam ē Ʒo, tē rēer wek kek kōc nħiam kāk ye tīŋ ku aa liu kepuōth. ¹³ Na ye kōc kōk Ʒo tīŋ ke Ʒo cī nħīim liāāp, ke kēda ē rōt kek Nħialic, na lok nħīim cōk, ke kēpiathdun. ¹⁴ Kāk yeku ke looi, aa yeku looi rin nħiēr Raan cī lōc ku dōc. Ku ēmēn aħicku lōn cī raan tōk thou rin kōc ēbēn. Ku kēya, kōc ēbēn aa rōm thuānde. ¹⁵ Acī thou rin kōc ēbēn. Kēya, kōc pīr aacīi dħil pīr rin bī kek puōth miēt ē rōt, ku aabī pīr riēnke yen raan cī thou ku ben jōt pīr ē riēnken.

¹⁶ Ku ēmēn le tuen Ʒok aacīi raan lēu buk ħic cīt tē ye tiēŋ ye. Ku na le kōc ke ħic Raan cī lōc ku dōc

ke ye raan wäär rëer pinynhom, ka cie tēde këya emēn. ¹⁷ Tē cī raan rot mēt Raan cī ləc ku dəc, ke yeen aci ya raan cī bēn cak. Kēthēer aci jəl ku kēn yam aci bēn. ¹⁸ Kēnē ee Nhialic yen aloi ye ebēn. Aci ɣo dōör kek ye rin Raan cī ləc ku dəc. Ku yik ɣo luoi buk kəc kək dōör kek ye. ¹⁹ Kē yeku lək kəc, ee lən looi Nhialic kəc ebēn bīk dōör kek ye rin Raan cī ləc ku dəc. Nhialic akēc awuöc yekē ke looi kuēc nhīm, ku aci ɣo gām luoi ye lueel tē bī ɣok kəc ya dōör thīn.

²⁰ Kēya, ɣok aa tuc jam nyin Raan cī ləc ku dəc. Acit Nhialic guöp yen lueel wētde ē thuəŋda. ɣok aa jam rin Raan cī ləc ku dəc, ku ɣok aa thiēc raan ebēn. “Dōörkē kek Nhialic.” ²¹ Raan cī ləc ku dəc ē cīn guöp adumuööm. Ku aci Nhialic looi bī Jethu thou rin adumuöömkuua, rin tē mət ɣok röt kek ye, ke ɣok aabi ya kəc la cök ē Nhialic.

6

¹ Luoida yic ɣodhie ke Nhialic, wek aa yöökku, wek kəc cī dhēəŋ Nhialic yök bāk cīi cəl adēer nhom piny ē path.

² Rin aci Nhialic lueel, “Aköl wäär wic ɣen ye ba we kony, ɣen aci rōökkun bēn piŋ. Ku aköl wäär wic ɣen we ba we luök, wek aaca bēn kony.” Piēŋkē, kēnē yen aköl bī wek kuəny Nhialic yök, aköl yen aköl bī we luök.

³ Acuk wic bī la raan luiku kē jör ye kēriēc ebēn yic, rin bī ciēn raan lueel ye lən cīi luoida path.

⁴ Kēya, ayeku nyuəth kēriēc ebēn yeku looi yic lən ye ɣok kəc lui rin ē Nhialic, rin ye ɣok käreç ku kārīl ɣo jōör guum ē path ke ɣo cīi gup tuc. ⁵ ɣok aaci

that, γok aaci mac ku jət kəc juēc man luaida aliäap nhial, ku γok aa γo ye luui apei ku cuk nin wakəu ku nek cək γo. ⁶ Ku γok aaci rēer ke γo cīn gup ajuēec γo lir gup, ke γo yer puəth, ku detku kəŋ yiic. Ku Wēi Nhialic aci rēer kek γo ku nhiərda acīn tē diu thīn, ⁷ ee wēt yic yen ayeku lək kəc ē riel Nhialic. Ku kē le γok cök Nhialic nhom yen ē təŋ ye γok thər ku kony γok röt. ⁸ Kəc kək aa γo leec ku kəc kək aa γo bui. Kəc aa γo jāam gup ku kəc kək aa γo ŋiēc jāam. γok aaye yōök lən ye γo alueth ku ē yic yen ayeku lueel akōlaköl. ⁹ γok aaye ciēēŋ ciēt γo cūi ŋic ku γok aa ŋic apei, ayekē lueel lən thou γok, ku tiēŋkē, γok aa ŋot γo pīr. Aa γo baŋ apei ku aacie γo ye γεet wei, ¹⁰ γok aa rēer ke γo mit puəth akōlaköl agut aköl guum γok thīn. Na cək alən ŋjōŋ γok ke γok aa kəc juēc looi bīk jak, na cək alən cīn γok kəŋ, ke γok aa ŋot γo la kəriēec ēbēn.

¹¹ Mäthkiēn gen Korinth! Wek aa cuk lək alanden γo lääu puəth. ¹² Nhiərda tēnē we akēc yit, aa wek aaci nhiərdun tēnē γo yit. ¹³ Cīt ēmēn lēu γok puəth tēnē we, wek ayōök ciēt we ye miēthkiē, bāk puəth lääu aya.

Duk mēt kek kəc kuc Nhialic

¹⁴ Duōkkē röt mat kek kəc kēc wēt Jethu gam. Yeŋō kəc la cök Nhialic nhom kek kəc cūi la cök mat? Yeŋō ruel ku muōth cəl aaye tők? ¹⁵ Le mähŋ tō kam Raan cī ləc ku dəc kek jəŋrac? Yeŋō rəm kəc Krithiaan kek kəc cie Krithiaan? ¹⁶ Yeŋō luan rēer Nhialic thīn cəl aräm kek luan kəc ye ke jak cī kiēt door thīn? γok aa luan rēer Nhialic thīn. Cīmēn cī Nhialic ye lueel elä,

“Үен абі паандиë looi ke kackië
ku rëër ke keek
Үен абі ya Nhialicden
ku wek aabi ya kackië.”

¹⁷ Ku lueel Bëny aya,
“Wek aa dhil jäl kam kəc kəc gam
ku təkke we thook tənë keek.
Duəkkë kə la guəp acuəl rin adumuööm ye gəət,
ku wek aaba gam.”

¹⁸ “Үен абі ya wuurdun, ku wek aabi ya wätkië ku
nyiërkië,” lueel Bëny Madhəl.

7

¹ Mäthkië, Nhialic aci kakkä thən ëbën. Këya
wuunyku yögup wei käreç yeku looi, bi guäpku ku
wëikua yiic ciën ajuëëc. Yök aa dhil Nhialic theek
ku themku buk pîr ë pîr la cök Nhialic nhom.

Akut kəc cï gam ee Paulo cəl amit puşu

² Lääükë puöth tənë yo. Acin raan tönj cuk luöi
awuöc, acin raan tönj cuk kum thok, ku acin raan
tönj ci yok kede nyaai dhël ruëëny. ³ Të jiem Үен
kälä ka cie wek nyiëny, rin aca lueel wäthëer lön
nhiërda tənë we aacie yit yopuöth. Alëuku buk pîr
ku thouku kek we. ⁴ Aya yök alëu ba jam tənë we
kecin kə muöony, Үен anhiam ë we, wek aa Үен deet
puşu apei, cək alön le yen käreç ya yök, ke Үен amit
puşu apeidit.

⁵ Agut wäär cək yok yëet Mathedonia yok kəc gup
kañ la läñ. Yök aa yo ci räm kek ater juëc ku agöth
ke kəc kək, ku riöc yopuöth. ⁶ Ku Nhialic yen kəc cï

6:16 Leb 26:12; Edhe 37:27; 1Kor 3:16; 6:19

6:17 Ith 52:11

6:18 2Tha 7:14; 1Lök 17:13; Ith 43:6; Jer 31:9

7:5 2Kor 2:13

puõth mum dæet puõth, aci ʒo bæn dæet puõth rin ci yen Tito bæn cõl abõ tẽnẽ ʒo. ⁷ Acie bẽnde yen ci ʒo bæn cõl amit puõth ẽ rot, tẽ ci wek ye dæet puõu thĩn aci ʒo yuum puõth aya. Aci læk ʒen lõn wĩc wek ye apẽi ba we la neem, ku tẽ ci wek puõth riẽek thĩn rin kæk ci rõt looi tẽnẽ ʒa, ku lõn wĩc wek ye apẽi bæk ʒa kony. Kẽya, ẽmẽn ʒen aci puõu miẽt apẽidit.

⁸ ʒen acii rot gæk cõk alõn ci athõr wäär ca gõt we we cõl arem puõth, ʒen aa ʒa ci rot gæk tuen, rin ci athõrdiẽ we reem puõth, rin aɲiɛc rẽm ẽ puõu rin athõr ca gõt aci ʒuo bæn jål wepuõth. ⁹ Ku ẽmẽn ʒen amit puõu, ku acie rin ci ʒen we cõl arem puõth, ee rin ci arẽem ẽ puõu we cõl adhuk wepuõth ciẽen. Arem ẽ puõu aci rot looi ke cit kẽ wĩc Nhialic. Ku kẽya, acin kẽrẽec cuk looi tẽnẽ we. ¹⁰ Rin arẽem puõu ye Nhialic bẽi tẽnẽ we, ee we cõl adhuk wepuõth ciẽen bi we luõk, ku acin agääk rot ẽ tẽen. Ku na ye we reem puõth rin wĩc wek ye bæk ke ya looi kæk pinynhom, ke arẽem puõu kẽnẽ ẽ we cõl aloi adumuõõm ku mër wẽikun. ¹¹ Tiẽɲkẽ kẽnẽ wĩc Nhialic arẽem ẽ piãndun yic. Wek aci puõth tĩr. Acæk wĩc bæk kãn cõk piny. Wek aaci puõth riääk rin kẽrẽec ci kuõc looi. Wek aaci ya riõc ẽ Nhialic ku yakẽ wĩc apẽi ba la tẽnẽ we. Ku dhiẽlkẽ looi bæk raan ci keriẽec ẽbẽn looi tẽm awuõc. Acæk nyuõth lõn kẽnẽ cæk looi keriẽec ẽbẽn yic ẽ ye tẽde.

¹² Kẽya, na cõk a wäär ci ʒen ke athõr kẽnẽ gõt, ka cie riɲ raan wäär cã awuõc looi ku acie rin akut ci luõi kẽrac, ee rin bæk tẽ ye wek diir thĩn ẽ ʒen nyuõth Nhialic nom. ¹³ Kẽnẽ, yen acõl ʒo adeet ʒopuõth.

Ku dõt aya, deet ẽ piãnda, ʒok aaci puõth bẽn miẽt apẽi wäär piɲ ʒok tẽ ci Tito puõu miẽt thĩn, ku tẽ ci

wek ebën ye bën dhušk pušu piny thïn. ¹⁴ Wek aa we ca leec tënë ye, ku wek aa këc yen cöl ayär guöp. Wek aa yeku lëk yith akölaköl, ku yen amit pušu rin læc wäär yen we leec aci ya yic. ¹⁵ Këya, nhiërden nhiëer yen we, ee rot juak apëi tē tek yen we tē ye wek ye theek thïn ku piënkë wëtde, ku tē cī wek ye luor thïn abī we aa lath. ¹⁶ Yen amit pušu rin njoöth yen we.

8

Ajuër rin akut kəc cī gam Judia

¹ Miëthakäi, awïcku bäk tē cī Nhialic dhëënde nyuoöth thïn tënë akuut kəc cī gam Mathedonia ñic. ² Cök alön cī käreec apëi ke yök, ku wën cök kek aa kəc njoñ aya, aake ye puöth miët apëi tē miöoc kek. ³ Alëu ba lëk we ayic lön kek aake ye miöoc bik kækken lik mukkë aa dhuol wei. Ku ayekë looi piänden ë röt. ⁴ Ku keek aake ye yo lac thiëec lön anhiarkë aya bik la käk yekë ke gam tënë kəc ë Nhialic Judia. ⁵ Aacī röt kañ gäm Bëny Jethu tuen, ku jöl Nhialic ke cöl aa gëm röt yo təcit tē wic ye. Ee cuk ye tak lön bi kek käk cit kakkä gam. ⁶ Këya, ku jölku Tito raan wäär jök ë luoi kënë thiëec bi la tuen kek ye, ku kony we bäk luoidun path kënë thääp. ⁷ Wek aa la gamdüt. Anjäckë apath yen tē ye wek ye lëk kəc thïn. Wek aa la njiëcdüt cī wek röt gam puöu ebën, ku nhiarkë yo. Wek aa käriëec ebën ñiæc looi apath. Ku këya, wek aa wïcku bäk miöcdun muk thïn.

⁸ Acä ye lueel lön dhil wek ye looi, ku awiëc ba nyooth tē nhiëer kəc kök ye thïn bik kony. Këya, awiëc ba ñic tē ye nhiërdun yic thïn. ⁹ Wek aa ñic

dhëej Bányda Jethu Kritho cək alon yen ajak, ka cī bēn a raan nōj ē riēnkun, ku bī nāānde ya kē yök wek jīεk.

¹⁰ Wēt diē, apath bāk kēwäär cək jōk runwäär thāap. Aa wek kōc tuen cī luoi kēnē jōk, ku acie jōk ē rot ē tō wepuōth bāk luui kēya. ¹¹ Ēmēn, thāāpkē luoi wäär cək jōk. Luoi kē kē nhiarkē wepuōth cit tēwäär cək guiēr ye kāk muōkkē ke ēmēn. ¹² Na wīc ba miōoc, ke Nhialic agam kēdun ba gam kēdun tō thīn yic wīc ba gam, ku acie kē liu thīn.

¹³ Acā ye lueel lon ye we jōt yiēth kāthiek rin bī kōc kōk kāpuol muk. ¹⁴ Kē luεel ē lon na lak kājuēc ēmēn, ke we kony kōc cīn kāj rin na lek kājuēc akōldā, ke ke kony we aya. Kēlā, ke wek aabī rōt kony wedhie ēbēn. ¹⁵ Cīmēn ye athōr thēer wēl Nhialic ye lueel ēlā rin miēth cī Nhialic gām kōc Itharel wäär ror liεet, “Raan cī kājuēc kuany acīn kāk cīi bēn dōj piny, ku raan cī kāklik kuany acī ben la kāk wīc.”

Tito ku kōc kōk aaci tuōc Korinth

¹⁶ Yēn alec Nhialic rin cī yen Tito cōl anhiar we bī we kony, nhiēr thōj ke nhiēr nhiεer yēn we. ¹⁷ Rin yōk aaci Tito thiēc bī la tēnē we, go gam. Ku ē wīc bī cak la aya ē rot. ¹⁸ Ku yōk aa toc wāmāath cī gam kek ye, raan theek akuut kōc cī gam ēbēn, rin ē yen Wēt Puōth Yam lēk kōc. ¹⁹ Ku yēn aya ē raan cī akuut kōc cī gam kuany bī cath kek yō tē yēth yōk kuōnydan yeku looi bī Bēny nhom guōp leec, ku nyoothku tē nhiērku luoi buk aa kony. ²⁰ Acuk wīc bī la kōc jīēm yōgup tē ye yōk kāk cī juaarkā njεc luoi thīn. ²¹ Awīcku bī ya kē la cōk yen yeku looi, ku acie Bēny nhom ē rot ee raan nhom ēbēn.

²² Këya, yok aa toc wämääth dët ke ke, wämääth cuk them arak juëc dhöl juëc ku acuk yök ke ye raan nhia kuöony. Ku cît ëmën ñic yen we apëi, anhiëer bî we kony aya apëi. ²³ Tito ë raan ye yok rəm ku alui kek yen bî we kony, ku miëthakäi cath ke ye, aa kəc tō nyin akuut kək, ku aa læc Raan cî læc ku dəc. ²⁴ Nyuöthkë ke nhiërdun rin bî akuut kəc cî gam tîj ku ñickë, kë ye yok nhiam ë we.

9

Guiër kuöony tënë kəc cî gam Judia

¹ Acä wïc ba gët tënë we rin kuöony bäk looi tënë kəc cî gam Judia. ² Rin anjiec atō wepuöth bäk kony, ku wek aaca læec tënë kəc Mathedonia. “Aca læk ke, Miëthakäi cî gam pan Akaya ë wickë bîk kuöony guo jək runwäär.” Ku luoidun nhiëer wek ye bäk kony, acî kəc juëc apëi kamken wel puöth thin bîk kony aya. ³ Ëmën yen atoc miëthakäi cî gamkä rin bî læcdan ye yok we leec cîi ye lueth. Ku cît lön cî yen ye lueel, wek aabi yök ke we cî kuöonydun guiir. ⁴ Rin na le kəc Mathedonia la kek yen Korinth, ku yökkë we ke we këc röt guiir, ke yok aabi gup yär apëi tē yök kek kë ye yok we leec ke këc rot looi, ku päl yär ë guöpdun ñic yok we apëi. ⁵ Këya, aca tak lön puöth yen ba wämäthakua cöl aala tënë we yanhom tuen, bîk wëü cäk lueel kañ kuööt yiic. Na jäl la ke yök keek ke cäk mat yiic, ku abi rot nyooth lön ë wiëckë bäk looi piäthkun ke cîi lək we.

⁶ Anjickë apëi lön raan pur domdît ë rap juëc tem, ku raan pur domkoor acin rap juëc ye tem. ⁷ Njək adhil këden bî gam cî guiir yepuöu ëbën gam, ke cîi nhom thiek tädë ke mëc ye, rin Nhialic anhiar

raan kēde gam puṣu ēbēn. ⁸ Ku alēu Nhialic bī gām kājuēc apēi, ku yīn abī la kājuēc path ye yīn kəc kony akōlakōl.

⁹ Cīmēn ye athör thēer wēl Nhialic ye lueel ēlä, “Acī kəc ḡṣḡ kony puṣu ēbēn, ku yeen abī rēer ke la cök akōlriēc.”

¹⁰ Ku Nhialic ē kōth cəl alok bīk ya miēth ye cam abī kākkun juak yiic, ku abī we cəl aala cök apēi, bāk kājuēc ya gam tēnē kəc wīc kuṣṣny. ¹¹ Abī Nhialic looi bāk jak apēi kēriēc ēbēn bāk aa abiökruel akōlakōl. Ku kəc juēc aabī Nhialic leec tē le ḡok kuṣṣnydun cäk wīc puṣu ēbēn gām ke. ¹² Tē luui wek kēlä, ka cie kāk wīc kəc cī gam kek yakē ke lēu ē röt, wek aa kəc juēc cəl alec Nhialic. ¹³ Ku rin luaidun puṣth cī wek röt nyuṣth, kəc juēc aabī Nhialic leec rin looi wek kā wīc Wēt Puṣth Yam Raan cī ləc ku dəc wäär cäk gam, ku ramkē ke ke ku raan ēbēn. ¹⁴ Ku rōkken yiic ē rienkun aabī kepuṣth wel rin dhēḡdīt cī Nhialic gām we. ¹⁵ Lecku Nhialic rin miöcdiit cīn kē thōḡ kek cī gām ḡo.

10

Paulo ē luicide kony lən puṣth yen

¹ Wek alāḡ ē puṣu ēbēn ḡen Paulo rin lier puṣu Raan cī ləc ku dəc, cäk alən ye kəc kōk kamkun ye lueel lən ye ḡen riöc tē rēm ḡen ke we, ku ya wēl tuc lueel tē mec ḡen. ² Wek alāḡ na la bēn tēnē we ke ḡen acīi bī bēn jam wēl tuc apēi tēnē kəc kōk kamkun, cīt tē ya tāk ye lən dhil yen ya tēde, rin ye kəc kōk ye lueel lən pīr ḡok pīr pinynhom tēn. ³ Ee yic ḡok aa kəc pīr pinynhom tēn, ku ḡok aacie thör cīt tē ye kəc

ë pinyinhom thör thïn. ⁴ Riel ye yok thör acie riëldan pinyinhom, ee riëldit ye Nhialic yiëk yo yen aye yok käk bääny Nhialic gël nhom göök. Yok aa luethken yekë ke lueel rac ëbën. ⁵ Yok aa tëktëk kanhiaam cï wët Nhialic thany piny rac. Ku dömku kuat tëktëk kënë cïmën raan ater dhie ye döm təŋ yic, ku loiku bi Raan cï ləc ku dəc theek. ⁶ Ku tē tīŋ yok ye ka athëëkdun cīn yic diu, ke yok aabi kuat raan yeku yok ke dhäl wët Nhialic ë yic tēm awuśc.

⁷ Wek aa kəŋ tīŋ köth ayeer. Na le raan ye gam alanden lən ë yen raan ë Raan cï ləc ku dəc, ke col atak kē looi yic apath, rin yok aa kəc Raan cï ləc ku dəc aya cïmēnde. ⁸ Yen aci guöp ye yär tē cək yen jiem kanhiaam riel cï Bëny gām yo. Riel cï gām yo ee riel bi yok gam cək piny ku cii we rəc. ⁹ Awiëc bāk cii tak lən wïc yen ye ba we riääc athör ya gät we. ¹⁰ Aye raan dët lueel, “Athör Paulo aaye gät ke thiek yiic, ku tē rëer yen ke yo ë kəc ku wëlke aacie riel!” ¹¹ Adhil raan kënë deet yic lən acin kē wääc athör ya ke gät tē mec yen, kek kē ba looi tē ben yen dhuk tēnē we.

¹² Acuk wïc buk röt thöŋŋ kek kəc röt leec kamken ë röt. Acin kē ŋickë. Keek aa ləcden thöŋŋ kamken ë röt ke cie ləc Nhialic. ¹³ Këya, yok aaci bi nhiam ku jiemku käk liu luoi cï gām yo yic buk looi. Nhiaamda abi nhom pək luoi cï Nhialic yiëk yo yic. Ku ala yic luoida yen loiku kamkun. ¹⁴ Yok aaci bi nhiam apei cit tēn bi yen ke rot luoi thïn tēn kəc yok bën tēnē we, rin cï yok Wët Puəth Yam rin Raan cï ləc ku dəc bëëi tēnē we. ¹⁵ Ku yok aacie nhiam luoi cï kəc kək looi. Kē yeku ŋöŋth ë lən bi gamdun rot juak rin bi luoida ë kamkun rot juak apei ku thiëi piny. ¹⁶ Ku buk lëu buk Wët Puəth Yam

la lëk kəc bëëi mec ke we, rin acuk wïc buk nhiam luoi cï Nhialic gäm kəc kök bïk looi bëëi kök yiic.

¹⁷ Ku cït lön ye wël cï gõt athör thæer wël Nhialic yic ye lueel ëlä, “Raan wïc ye bï nhiam adhil nhiam rin Bëny.” ¹⁸ Rin raan rot leec ë rot acie yen ye gam, ee raan ye Bëny leec.

11

Paulo ku kəc röt cəl aaye atuuc

¹ Awiëc bäk kē ca wuöc guum, tē cï yæn kån duër kuc. Wek aa län bäk looi këya. ² Yæn aye tiæl däm tē tïñ yæn kəc kök ke wïckë bïk we muör, ku ë yen lön ë Nhialic aya. Wek aa cït nyen bïm ca ləc muony tøk bï thiaak, yen Raan cï ləc ku dəc. ³ Wek aa ñic anyïköl wäär duöñ këpiiny Eba ë pël nyinde. Yæn ariöc lön bï wek ciët kënë. Wek aabi duöñ ku pälkë nhiërdun nhiëer wek Raan cï ləc ku dəc. ⁴ Ayakë guo nhiaar ku gamkë tē bïi raan dët bï we bën lëk Jethu dët cie yen Jethu cuk lëk we. Ku wek aa puöth miët ku tääkë wenhïim piny ku gamkë wëi ku wët, käk cie Wëi ku Wët Puöth Yam wäär cuk lëk we.

⁵ Aya tak lön kockä yakë ke tïñ ciët kek aa tuucdït, aaciï dït tënë ya acïn, ku acä ye tak lön aa tuuckun kä aa loi luoi path wër kek ya. ⁶ Tëdë, yæn akëc piöc ba ñiëc ajam apath kəc nhïim, ku yæn añic kañ. Kënë aca nyuöth we kajuëc yiic ë dhöl juëc yiic.

⁷ Wek aa këc kañ thiëc bäk ya riöp wäär lëk yæn we Wët Puöth Yam ë Nhialic. Yæn aci rot dhuök piny ku luösi ë path rin bï wek aa kəc dït. Ye kërac yen ca looi? ⁸ Tëwäär luui yæn ë kamkun, yæn a ya ye kəc akuut kəc kök cï gam riöp. Aake ya rum bï

ɣɛn we bɛn kony. ⁹ Ku wäär rëer ɣɛn kek we, acin raan ca rääm nhom bi ɣa kony. Miethakäi ci gam wäär bö Mathedonia aaci keriëec ebën wiëc ke bëëi tënë ɣa. Acin kë ca kaŋ thiëec tënë we, ku ɣɛn acii rot bi kaŋ dɛr weyiëth acin. ¹⁰ Ku cit ëmën rëer yiny Raan ci lɔc ku dɔc kek ɣa, acin raan pan Akaya bä pëen ba cii jam kanhiaam këlä. ¹¹ Të lueel ɣɛn ye lɔn ɣɛn acii rot bi kaŋ dɛr weyiëth, ke ye rin cii ɣɛn we nhiaŋ? Anɟic Nhialic lɔn nhiëer ɣɛn we!

¹² ɔɣɛn abi la tuenɟ ke ɣa loi kë luɔɔi ëmën, rin bi kɔckä ciën kë ye kek nhiam, lɔn ye kek luui cimënda aya. ¹³ Kɔckä aacie atuuc acin. Aa kɔc wëŋ luɔiden yic, ku loikë röt ciët ke ya atuuc Raan ci lɔc ku dɔc. ¹⁴ Acin kë gëi kɔc thïn! Na cɔk a Bëny jakrɛc ka loi rot bi ciët atuny nhial ë ɣɛr bëëi. ¹⁵ Këya, acin kërill tã thïn tã ye atuöccke röt cɔl aaye atuuc luɔi la cök. Ku keek aabi awuöc thöŋ kek kækken loikë ke yök aköldä.

Të ci Paulo guum thïn ke ye atuuc

¹⁶ Aca lueel wäär ku abɛn ber yic, acä wic bi la raan ye tak lɔn cïn yen kë ɟiɛc. Ku na yakë tak lɔn cïn ɣɛn nhom, ke we päl ɣa ba nhiam kækkiën ya lëk we. ¹⁷ Të ye ɣɛn rot leec këlä, ke ɣɛn ajam cimën raan cii kãŋ ɟic. Ku acie tã wic Bëny ye thïn. ¹⁸ Ku ëmën ye kɔc kök jam ë nhiam cit tã ye kɔc pinynhom ɟiëm thïn, aba looi këlä aya. ¹⁹ Wek aa ɟic kãŋ apɛi ku aŋot nhiarkë bæk wël kɔc kuc kãŋ buöth yiic. ²⁰ Wek aa wël raan we loony gam, raan kækkun cam, raan rot cɔl aril ë we, raan nhiam rot tãau tuenɟ raan na cɔk we ɟuööt nyin, ka ɟot cïn kë

mankë thïn. ²¹ Үен асї гуөп Үәр ба гам лон Үен акөс кәккә лоої.

Кө ye raan дөт вїс бї yenhom лөс ye, ke Үен аlec Үанhom ye аya. Үен аjam өмөн сїөт Үа кuc кәһ. ²² Na yekë куат Ibru, ke Үен ө Ibru. Na yekë көс Itharel, ke Үен ө raan Itharel. Ku na yekë dhiënh Abaram, ke Үен ө raan Abaram аya. ²³ Ye кө көс lui rin Raan сї лөс ku дөс? Үен аjam jam raan сї муөл, ku Үен ө raan ө луої һуөөн төнө ke! Үен асї лууї луоїдїт аpei төнө ke. Ku Үен асї mac арак јуөс төнө ke. Ku Үен асї that thändїт аpei төнө ke, ku дуөр thou арак јуөс. ²⁴ Үен асї that waat thiärдиäk ku dhoҮuan арак dhiөс көс Judeo. ²⁵ Ku көс Roma аасї Үа that арак диäk атuel. Ku биөөк Үа aleel арак төк. Ku riäi өсї riääk wiir арак диäk ke Үа wөөр thïn. Ku арак төк, Үен аca акөл ku wөөр thөл wiir. ²⁶ Ku акөөл көк сәthдиө yic, Үен асї рөм kek кәкјуөс көс нөк. Ku дуөр mou wөр yiic, ku дуөр cuөр Үа rum. Ku дуөр көскїөн Judeo Үа нөк. Ku дуөр көс сїө кәккїө Үа нөк. Ku yök кәк көс нөк гөeth ku бөөи yiic ku Adөкdiөт yic. Ku төнө көс рөт лоої ke сїт көс сї gam. ²⁷ Үен ө Үа ye лууї аpei ба гуөп thiai ku сә ye nin акөлдөт, Үен Үа ye сөк нөк ku rou. Ku Үен ө lac рөөр ke сїн miөth ku тә niin Үен thïn. Ku Үен Үа ye рөөр Үа нөк wiir rin сїн Үен алөth јуөс Үа kony ө wiir. ²⁸ Ku кәјуөс көк асә луел, Үен ө рөөр Үа тәк акөлакөл rin akuut көс сї gam өбөн. ²⁹ Тө niөөp raan gam yic, ke Үен ө rot yök Үа niөөp аya. Ku тә сәл raan raan дөт алої адumuөөm, ke Үен ө рөөр Үа rem пуөу аpei.

³⁰ Na le кө сәл Үен аjam ө nhiaam, ka кәк ye nyooth лон Үен асї ril. ³¹ АҮic Nhialic, Wun Bөny

11:23 Луої 16:23

11:24 L.rou 25:3

11:25 Луої 16:22; 14:19

11:26 Луої 9:23; 14:15

Jethu lön cii yen lueth yen lueel. Bï rienke aleec atheer. ³² Wäär tö yen Damathkuth, bëny rëer ë Bënyjaknhom Aretath cök ë cä apuruuk ë geu tiit tööu kal thok bik ya döm. ³³ Ku yen aci bën tääu alom yic, ku luëen yen tÿör pany köu ku kual rot.

12

Paulo acie nhiam käk cï nyuöth ye

¹ Yen abï dhiel la tuen ya jam ë nhiaam cök alön cïn yen këpuöth ye yök thin. Ku ëmën yen abï jam käk ca tin cï nyuöth ë Bëny. ² Anjiec ruöön thiäär ku nuan cï bar, raan cï gam ëcï jot ku yëth tëmec apeï pan Nhialic. Acä njic ayic lön ë yen guäpde ku lön ye kek wëike kek cï la nhial, ee Nhialic yen anjic ye. ³⁻⁴ Cïmën awën cï yen ye lueel, anjiec yen raan kënë aci jat pan Nhialic. Ku aber yic, acä njic lön ë yen guöp ëbën, tädë ke ya aban guöp yen cï yäth pan Nhialic, ee Nhialic yen anjic ye. Ku tÿen aci käk cii raan lëu bi ke kuany yiic yethok pin, käk cii pëen bi ke cii luel. ⁵ Alëu ba jam ë nhiaam rin raan cit kënë, ku yen acii nhiam ë rienkië, rin na luöi këya, ke pial yic dië. ⁶ Na wiëc ba nhiam këlä, ka cie lön kuc yen këy rin ë yic yen aba lueel. Ku yen acii bi nhiam rin acä wic bi la raan ye tak lön njic yen këriëc ëbën, ke cie kë cäk tin ke luöi tädë ke lueel.

⁷ Yen aci nyuöth käjuëc, këya yen aci yen këril ya tuöm cit kou bën yök. Acit lön cï atuny Bëny jakrec bën bä bën that ku gël yen ba cii nhiam. ⁸ Yen aci Bëny löy arak diäk bi kë ban yen nyaai. ⁹ Ku aci bën bëer, “Ee dhëndië yen awiëc, rin riöldië aye jal gam apeï tÿ njic raan ye lön cii yen ril.” Këya yen amit

puõu ba nhiam wët cī yēn ril rin bī yēn riel Raan cī lōc ku dōc ya tiit lööny yaguõp. ¹⁰ Yēn ē puõu miēt tē cīi yēn ril, ku tē lēēt yēn, ku tē le yen kēεεc cā yōk, ku tē guum yēn, ku yōk kārīl kōk rin Raan cī lōc ku dōc. Rin tē niõp yēn ke yen ē riēldiē.

Paulo ē diēεr kōc cī gam gen Korinth

¹¹ Yēn ē ya cīt raan cīn kē njic wäär ē yēn yanhom lēc. Ku aa wek cā cōl alui cīmēn raan cīn kē njic. Ku njūōt aa wek aa cā lēc ke. Cōk alōn ye yēn raan cie kuēεc nhom, ke yēn aciī tō ciēēn tēnē atuuckun yakē yōk ciēt kek njic kaŋ. ¹² Kāk raan nyuōōth lōn ē yen atuuc cīmēn kāk kōc gōi, ku kāk riel Nhialic nyuōōth, aaci rōt looi ē kamkun amāāth-amāāth. ¹³ Yenō ca looi rin akuut kōk kōc cī gam kēc looi ē rienkun, cie kē kēc yēn kuōōny wīc tēnē we? Pālkē awuōc ca looi piny tēnē ya.

¹⁴ Kēnē yen abī nēmdiē yic a diāk tēnē we ku acīn kē ba wīc bī wek ya kony. Aa we nhīim wek aa wiēc ke, aacie wēεukun. Aacie mīth kek dhil kōc ke dhiēth ke muōc, aa kōc ke dhiēth kek aadhil mīth muōc. ¹⁵ Yēn abī puõu miēt ba we gām kāŋ ēbēn ayī piērdiē. Na nhiaar we apeidīt kēlā, ke nhiērdun tēnē ya bī kuur?

¹⁶ Abāk gam lōn kēc yēn rot tāāu weyiēth. Ku abī raan dēt lueel lōn cī yēn wēt puōk kōu piny ku dēεp we ē lueth. ¹⁷ Ye kēdē, le raan ca tuōc we, le raan cī we la ruēēny ē rienkiē? ¹⁸ Yēn aci Tito lōŋ bī la, ku cal wāmāāth dēt cī gam ala kek ye. Cī Tito we ruēēny. Cīi Tito ku yēn kē tō yopuōth ye looi ē dhēl tōŋ thōŋ?

¹⁹ Tēdē ayakē tak tēthēεr wäär lōn wīc yōk ye ku buk rōt kony wenhīim. Aacie tēde! Yōk aa jam cīt

të wïc Raan cï lóc ku dác ye buk jiem thïn ke yo dæi Nhialic. Ku käk yeku ke looi ëbën mæthkuan nhiarku ke, aaye looi rin bï we kony. ²⁰ Yæn ariöc puşu ciët ba yök ke tē ye wek ke luui thïn cïi yæn bï yuum puşu tē le yæn bën, ku tē ye yæn ke luui thïn acïi we bï yuum puöth aya. Yæn ë diæer ciët ye agöth, ku tuöc ë puşu, ku nhiër ë rot ku tiæl ku læët ku luööm ku nhiaam ku aliäap kek ba yök. ²¹ Yæn ë puşu riöc ciët Nhialic ya luöoi bā cəl ayār guöp tē ben yæn we la neem. Ku yæn abï puşu löny rin kác juéc aa ŋot ke kēc adumuöömken thæer puöl, käk bal cïi path.

13

Lëk ciëen

¹ Kënë, yen abï nēmdië yic ya diäk tēnë we, “Ku kuat awuöc ye luæl raan guöp adhil a kën cï kác karou, tēde ke ye kác juéc kaŋ tŋ.” Cït tē ye wël cï göt athör thæer wël Nhialic ye luæl thïn. ² Wäär le yæn we neem kën ye nēm yic rou, yæn aci kác käreç looi ku kuat raan dët lëk bïk cïi ben la tuen ke loi kakkä. Ku wek aa bën lëk emën mec yæn ke we. Tē ben yæn la ka cïn raan käreç looi ba puöl ke cā tēm awuöc. ³ Abï kënë dhiæl nyooth tēnë we lön yæn ë jam rin Raan cï lóc ku dác. Tē cök yen we ka cïi bï niöp, abï riel apæi. ⁴ Ee yic, ee cïn riel wäär piëët ye tim cï riü kōu, ku emën apir riel Nhialic yic. Yök aa cïn riel ë röt cïmën wäär cïn Raan cï lóc ku dác riel. Ku emën cï yök ya tök kek Raan cï lóc ku dác, yök aabi la riel Nhialic tē luui yök kek we.

⁵ Wiëckë bāk yæn them, dhielkë röt them ë röt ku abäk yök lön Raan cï lóc ku dác arëër kek we. Na cie

këya, ke wek aaci mää. ⁶ Ku abäk yök aya lön acie këræc yen cuk looi wäär bii yok Wët Puäth Yam tənē we. ⁷ Yok aa röök rin cīn yen këræc bāk looi, ku acie lön wīc yok ye buk röt nyuðth ke yo ye atuuc path, yok aa röök bi ya kēpath yen yakē looi cək alön ye yo tīj ke yo cī kuɔc luui. ⁸ Yok aa kēc Nhialic yiək riel bi yok wët ē yic rac, yok aaci yiək riel bi yok yic yāth tuen. ⁹ Cək alön kəc yok, ke yok aa puəth miæt tē ril wek, ku yok aa röök lön bi wek röt ben cök. ¹⁰ Këya, yen agēt athör kēnē ke ya mec tənē we, rin na la yet ke ya cii ben jam wël ræc tənē we ē riel cī Bēny gām ya, riel bi yen we cəl aala cök gamdun yic, acie riel ræc yen we.

Muəth ciēn

¹¹ Ku emēn miəthakāi, miætke puəth. Yiëkkē wenhiiim luoi la cök, piējkē wəlkiē, yakē röt piēj wël ku rēärkē ke dör ē kamkun. Ku Nhialic ē nhiēr ku dör gam abī rēer ke we.

¹² Miäthkē röt ē kamkun muəth kəc cī gam. Kəc Nhialic ebēn rēer ē tēn aa we muəth.

¹³ Bi dhēen Bānyda Jethu Kritho ku nhiēr Nhialic ku Wēike rēer ke we ebēn.

Lëk yam
New Testament in Dinka, Southwestern (SU:dik:Dinka,
Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022

d94b9d26-33ff-5c4e-819f-5bfe86ac9e55